

Aen Hozdung Yawjhag Caeuq Langhbaiej Gij Cwngzgoj Hong Cauhlaeb Hagdangz Guhyiengh Minzczuz Vwnzva Gyauyuz Swcigih Bi 2017 Youq Namzningz Banh

2017年自治区民族文化教育示范学校创建工作成果展示暨观摩活动在南宁举办

Bonjbauq siusik (Cau Dwzfeih Moz Beibei) 5 nyied 11 daengz 12 hauh, aen hozdung yawjhag caeuq langhbaiej gij cingzgoj hong cauhaeb "hagdangz guhyiengh minzczuz vwnzva gyauyuz swcigih" youz Swcigih Gyauyuzdingh cujcz banh haenx youq Namzningz banh. Swcigih Gyauyuzdingh Minzczuz Gyauyuzcu cucangj Veiz Lanzmingz、Swcigih Gyauyuzdingh Minzczuz Gyauyuzcu diuyenzyenz Couh Yungjgwz、Guengjsae Daihhag Gunghung Guenjeix Yozyen Loz Sugez gyausou、Guengjsae Swhfan Daihhag Gyauyuz Gohyozy Yozyen Yangz Libingz gyausou、Guengjsae Minzczuz Daihhag Minzczuz Caeuq Sevei Yozyen Ouhyangz Cangzcingh gyausou、Guengjsae Swhfan Yozyen Lij Fuzcoz gyausou 4 boux lauxhangz caeuq daengx gih 106 aen hagdangz cauhaeb "hagdangz guhyiengh minzczuz vwnzva gyauyuz swcigih" yaucangj daengj gunh 110 lai boux camgya baez hozdung neix.

11 hauh banhaet, Veiz Lanzmingz、Couh Yungjgwz faenbied daiqlingx siujyoz、cunghyoz song aen cuj bae daengz Namzningz Si Siudenz Siujyoz、Mingzsiu Siujyoz、Sinhhingh Minzczuz Hagdangz、Beihungz Minzczuz Cunghyoz guh yawjngonz doxgyau. 4 aen hagdangz neix daj minzczuz vwnzva ndawhag hwnjguh、minzczuz conzdungj diujuz、seiz roengzdangz minzczuz vwnzva、hagseng fwngzguh gunghyibinj daengj geij aen fuengmienh neix langhbaiej hawj cujyawjhag yawj.

Siudenz siujyoz hopheux gij banhhag leixniemh "daudwz nyinh ndawhag dajdaej ciuhvunz lai yiengh", dajcauh gyauyuz daegsaek binjbaiz lai yiengh. Ndawhag miz funghranz langhbaiej minzczuz vwnzva, yungh de langhbaiej caeuq gaisau fungcingz fungsug mizgven Guengjsae siujsoq minzczuz caeuq dozveh cozbij lauxsae hagseng, luengqhongh raez vwnzva miz gij ciendaeranz gaisau ngeihcib seiq ciethieq Cungguk, lij miz banjbau hung hajcib roek aen minzczuz caeuq gij goenqfaex guhbaenz yiengh aennyenz Mbanjcuengh daengj, yungh moix aen hoenggan ndawhag langhbaiej minzczuz vwnzva, hawj hagseng seizseiz ndaej daengz conzdungj minzczuz vwnzva hoiznyinh.

Mingzsiu Siujyoz dwg baez yawjhag hozdung neix dandog aen hagdangz mbouj dwg danhvei cauhaeb "hagdangz guhyiengh minzczuz vwnzva gyauyuz swcigih" he, hoeng hagdangz roengzrenz dajcauh gij binjbaiz "minzczuz conzdungj vwnzva". Gwnz godangz, dawz minzczuz vwnzva maenhndei yinxhaeuj godangz, yiemq haeuj gak yozgoh bae, dangzdiujuz



▲ Boux lingidauj fat baizbenj hawj hagdangz niemhsou habgek.



▲ Hagseng Mingzsiu Siujyoz seiz roengzdangz dwkgyangq.



▲ Hagseng Mingzsiu Siujyoz yungh vahcoj yiengq cujyawjhag gaisau hagdangz bonjfaenh.



▲ Gyoengq lauxsae hagseng Mingzsiu Siujyoz caeuq cujyawjhag caez diuq fouxsaux.

ringx gengxdiet, dangzdozveh guh aendomq, dangzciengqgo eu fwen…… seizhoengq roengzdangz, haiguh guh aendomq、guh aennyenz、diuq cauhaeb daengj gvendaengz minzczuz yisuz caeuq minzczuz gunghyibinj sedonz hozdung.

Youq Sinhhingh Minzczuz Hagdangz、cujyawjhag yawjngonz le luengqhongh raez minzczuz fungcingz、funghranz minzczuz fungcingz、funghranz saw veh minzczuz daengj dieg. Hagdangz hopheux aen cawjdaez hwnjguh minzczuz vwnzva, cienzmienh gviveh anbaiz gingjsaek ndawhag, doed ok aen cawjdaez minzczuz vwnzva, cungfaen yungh dou、diengz、suen、loh daengj ndawhag, guh daengz hwnjguh vanzging hagdangz caeuq hagdangz leixniemh、daegsaek hwnjguh cawjdaez doxhab, hawj gyoengq boux daeuj yawjhag haenx yaenqsiengq gig laeg.

Baez yawjhag hozdung neix, Beihungz Minzczuz Cunghyoz hix dwg dieg yawjhag he, cujyawjhag yawjngonz le luengqhongh raez minzczuz vwnzva、funghranz langhbaiej cozbij mbawsiengq dozveh lauxsae hagseng aen hagdangz neix caeuq yawj le aen minzczuz yisuzdonz aen hagdangz neix

biujyienj ciengqgo、diuqfoux、boq huzluzswh daengj, ndawhag diegdieg cungj yienh' ok gak minzczuz doxbang doxgyaez, huzndei caemhyouq, hagdangz genhciz gij gyauyuz gyaciz-gvanh "hawj lwgnyez Mbanjcuengh gagsaenq byaij coh daengzcog", yawjnaek gungganq hagseng cunghab suciz caeuq goqsingq daengcingz daengj, ndaej daengz cujyawjngonz haenhndei doengzseiz hix ndaej daengz lauxhangz haengjdingh.

11 hauh banringzgaq, gak siujcuj yawjhag hagdangz okhingz le, dauq daengz hozdung cawjhoihciengz, daengx gih 11 aen hagdangz cauhaeb doenggyaq PPT langhbaiej gij cingzgoj hong cauhaeb hagdangz guhyiengh minzczuz vwnzva gyauyuz bonj hagdangz haiguh haenx, langhbaiej bonj sawsonhag hagdangz bonjfaenh, doeklaeng Loz Sugez gyausou、Lij Fuzcoz gyausou diemjbingz gij hong cauhaeb hagdangz guhyiengh minzczuz vwnzva gyauyuz gih raeuz.

12 hauh banhaet, youq gwnz aen hoih cunggez fat mbaw baizbenj "hagdangz guhyiengh minzczuz vwnzva gyauyuz Guengjsae Bouxcuengh Swcigih" hawj 38 aen hagdangz buek daih' it doenggyaq cauhaeb niemhsou

habgek haenx.

Fat baiz gietsat le, Swcigih Gyauyuzdingh fudinghcanj Sunh Gozyouy guh gangjavah, de daj cingcuj banhhag dinghvi, dajcauh gungvunz vanzging、haifat yaubwnj gocwnz、dajniemhsik gocwnz hozdung、lauxsae ciennieb majbaenz daengj fuengmienh cungfaen haengjdingh le gij cingzcik hong cauhaeb hagdangz guhyiengh minzczuz gyauyuz gih raeuz aeundaiej haenx.

Veiz Lanzmingz doiq baez hozdung neix guh cunggez seiz daezok sam diemj iugouz: It dwg gvaqlaeng cauhaeb seiz, hagdangz cauhaeb aeu dawz cauhaeb daegsaek hagdangz caeuq cauhaeb daegsaek hanghmoeg faen cingcuj, mbouj ndaej doxgyaux; ngeih dwg cauhaeb daegsaek hagdangz, dwg vih daezsang sonhag caetliengh, mbouj ndaej vihliux cauhaeb cix bae cauhaeb, aeu dawz cauhaeb hozdung caeuq sonhag doxgiethab, daezsang sonhag caetliengh; sam dwg cauhaeb danhvei cauhaeb seiz, aeu faen cingcuj cawjdaej, Swcigih Gyauyuzdingh dwg danhvei haeuicoengh, mbouj dwg cauhaeb danhvei, hagdangz cij dwg gij cawjdaej cauhaeb danhvei.